

Reglement Grubbevorster Liedjeskonkoers 2015

1. En liedje besteit oét dreej elemente: teks vān enne schriéver, meziek vān enne komponis en zang vān (enne) oétvoerende(n). Twiē vān dees dreej mōtte vān Grubbevorster baom zien, dus woēnechtig zien of gebaore. Liedjes zōnder teks, zōnder meziek ôf zōnder oétvoerende(n) waere oétgeslaote.v
2. De teks mōt in ut ABG geschreve zien (Algemein Beschaafd Grubbevorsters). Weurd oét andere minder beschaafde tale meuge allein ās ze in d'n aard vān ut liedje passe, dus nī umdāt ut anders nī rijmt. De zjurie zal op de hoēgte gebrach waere ās is aafgeweeke vān de verplating door ôs eige verplatster.
3. Ut liedje meug nag noēits iērder op spijkerschrif, plaat, cd, kessette, minidisc, dvd, ringtone ôf nag oét te vinde geluidsdrager oétgegaeve zien.
4. Idder liedje krieg en punt vān idder vān de zjurieleeje vān de vakzjurie en eine kiēr vān ut publiek ās gehiēl.
5. Idder lid vān de vakzjurie kān allein ganse punte gaeve vān 1 t/m ut aantal liedjes dāt mej duit. Ut liedje dāt letste is krieg 1 punt, oplaupend tot gebeurbiēld 11 punte (beej 11 liedjes) vur ut beste liedje.
6. Idderein oét ut publiek vān 12 jaor ôf alder en dae zelf gen schriéver, komponis ôf oétvoerende is, kān mej zjureere. Heejveur waere scorekaertjes oétgedeild. Um te vurkōmme dāt idderein heej ziene buurman, naef, nich, oma, opa, tante ôf elders in geijt vulle, mōtte veer winnende liedjes waere ingevuld. Op basis vān de ingevulde kaertjes, waere de punte vān ut publiek bepaold: ok wir 1 punt vur ut liedje dāt ut minste opgeschreve is, oplaupend tot gebeurbiēld 11 punte (beej 11 liedjes) vur ut beste liedje. De telling wōrdt gedaon door de kemissie en bekend gemāk door de Prins.
7. De vakzjurie let veurāl op orzjinaliteit en op de geschiktheid ās karnevalsschlager: rupt ut liedje ut echte vastenaovesgeveul op, zingt ut lekker mej.
8. Idder liedje kump twiē kiēr op de buún: eine kiēr wōrdt ut volledige liedje ten gehuóre gebrach en de twiēde kiēr en verkorte versie. De volgorde vur ut iērste optraeje wōrdt al veur d'n aovend bepaold door loēting door de kemissie. Ut twiēde optraeje is in umgekiērde volgorde.
9. Per liedje meuge d'r mār 11 persoēne op de buún staon. D'r meuge gen attribute mej op de buún.
10. In ut jaor vān deilname aan ut GVK mōt de artiest 16 jaor ôf alder zien ôf waere. Jōngere deilnemers neme deil aan ut jeugd GVK.
11. Beej geliēke stand haet daegene, dae de hoēgste punte haet gekrege vān de veurzitter, en hoēgere eindklassering.
12. Ut liedje dāt iērste, twiēde, derde wōrdt in de eindoétslaag is, zal in de studio waere opgenaome.
13. Alles wao-euver in dit reglement nī is veurzeen, wōrdt beslist door de kemissie. En die haet altiēd geliék.
14. As de kemissie gen geliék haet, wōrdt truuk gegrepe op regel 13 vān dit reglement.